



Na osnovu Sporazuma o saradnji na realizaciji projekta "Sufinansiranje troškova ugradnje individualnih mjerila toplotne energije u objektima na sistemu daljinskog grijanja KJKP "Toplane-Sarajevo" d.o.o. Sarajevo, broj: 3450/23 (05-11-9655/23) od 10.05.2023. godine, KJKP "Toplane-Sarajevo" d.o.o. Sarajevo (u daljem tekstu: Toplance) dana 30.09.2023. godine raspisuje:

PONOVNI JAVNI POZIV

za učešće u projektu "Sufinansiranje troškova ugradnje individualnih mjerila toplotne energije u objektima na sistemu daljinskog grijanja KJKP "Toplane-Sarajevo"

1. PREDMET PONOVOG JAVNOG POZIVA

Predmet Ponovnog Javnog poziva je prikupljanje prijava korisnika usluge u objektima na sistemu daljinskog grijanja KJKP "Toplane-Sarajevo" d.o.o. Sarajevo, koji ispunjavaju uslove za sufinansiranje troškova ugradnje individualnih mjerila toplotne energije, radi utvrđivanja rang liste kandidata koji mogu ostvariti pravo na sufinansiranje troškova ugradnje individualnih mjerila toplotne energije.

2. KRATAK OPIS PROJEKTA

U cilju implementacije smjernica iz Okvirne energetske strategije Federacije Bosne i Hercegovine do 2035. godine i mjera iz Plana energetske efikasnosti na području Kantona Sarajevo za period 2022-2024. godine, Kanton Sarajevo je odobrio projekat "Sufinansiranje troškova ugradnje individualnih mjerila toplotne energije u objektima na sistemu daljinskog grijanja KJKP "Toplane-Sarajevo".

Odlukom Nadzornog odbora KJKP "Toplane-Sarajevo" d.o.o. broj: 01-40-02/23 od 28.07.2023. godine utvrđene su cijene ugradnje mjerila toplotne energije po Javnom pozivu i to:

- za ugradnju mjerila toplotne energije DN 15, u iznosu od 900 KM (bez uračunatog PDV-a),
- za ugradnju mjerila toplotne energije DN 20, u iznosu od 1.500 KM (bez uračunatog PDV-a).

Cijena ugradnje, sa uključenim PDV-om za mjerila toplotne energije DN 15 iznosi 1.053 KM, a za mjerila toplotne energije DN 20 iznosi 1.755 KM.

Projektom je predviđen model sufinansiranja ugradnje mjerila na način da Kanton Sarajevo sufinansira iznos od 400 KM, KJKP "Toplane-Sarajevo" d.o.o. Sarajevo sufinansira iznos od 353 KM, a da korisnik usluge uplati ostatak sredstava do punog iznosa cijene ugradnje individualnog mjerila toplotne energije i to:

- za ugradnju mjerila toplotne energije DN 15, iznos od 300 KM (sa uračunatim PDV-om),
- za ugradnju mjerila toplotne energije DN 20, iznos od 1.002 KM (sa uračunatim PDV-om).

Okvirni rok za realizaciju ovog projekta je početak sezone grijanja 2024/2025. godine.

3. UKUPAN IZNOS RASPOLOŽIVIH SREDSTAVA

Za sufinansiranje troškova ugradnje individualnih mjerila toplotne energije u objektima na sistemu daljinskog grijanja KJKP "Toplane-Sarajevo" d.o.o. Sarajevo, po Javnom pozivu objavljenom dana 12.05.2023. godine i Ponovnom Javnom pozivu, obezbijedena su sredstva u iznosu od ukupno 600.000 KM (koja finansiraju Ministarstvo i KJKP "Toplane-Sarajevo" d.o.o. Sarajevo u iznosu po 300.000 KM)



NAPOMENA: Ovaj Javni poziv je limitiran sredstvima koja su obezbijedena kroz Budžet Kantona Sarajevo za 2023. godinu i KJKP "Toplane-Sarajevo" d.o.o. Sarajevo te će time izbor aplikanata biti ograničen visinom obezbijedenih sredstva.

Maksimalan iznos sufinansiranja troškova ugradnje individualnih mjerila toplotne energije iznosi: 753,00 KM po korisniku usluge.

Troškovi ugradnje individualnog mjerila toplotne energije uključuju:

- troškove nabavke, ugradnje i puštanja u rad mjerila toplotne energije na postojećem obračunskom mjernom mjestu;
- troškove izrade projektne dokumentacije za ugradnju individualnog mjerila toplotne energije.

Troškovi ugradnje individualnog mjerila toplotne energije ne uključuju:

- troškove radova, opreme i materijala na rekonstrukciji/izgradnji obračunskog mjernog mjesta;
- troškove radova, opreme i materijala na rekonstrukciji unutrašnjih instalacija centralnog grijanja, sa ciljem ugradnje individualnih mjerila toplotne energije.

4. USLOVI ZA SUFINANSIRANJE TROŠKOVA UGRADNJE INDIVIDUALNIH MJERILA TOPLOTNE ENERGIJE

Pravo učešća na Ponovnom Javnom pozivu imaju svi korisnici usluge u objektima na sistemu daljinskog grijanja KJKP "Toplane-Sarajevo" d.o.o. Sarajevo čiji je sistem cijevnog razvoda takav da omogućava ugradnju individualnog mjerila toplotne energije putem kojeg će se vršiti mjerenje isporučene toplotne energije za stambeni prostor korisnika usluge, a koji nisu ostvarili pravo na sufinansiranje troškova ugradnje individualnih mjerila toplotne energije po prethodno objavljenim javnim pozivima.

Zainteresovani kandidat mora ispunjavati sljedeće opće uslove:

- a) da ima zaključen ugovor o korištenju toplotne energije sa KJKP "Toplane-Sarajevo" d.o.o. Sarajevo;
- b) da je vlasnik stambenog prostora za koji se prijavljuje na Ponovljeni Javni poziv;
- c) da nema dospjelih dugovanja za usluge centralnog grijanja;
- d) da nije isključen iz centralnog toplifikacionog sistema.

Zainteresovani kandidat može se prijaviti za učešće na Ponovljenom Javnom pozivu samo za jedan stambeni prostor.

Napomena: Izrazi koji se koriste u Ponovnom Javnom pozivu, a imaju rodno značenje koriste se neutralno i odnose se jednako na muški i ženski rod.

5. KRITERIJI ZA BODOVANJE

Kriteriji za određivanje broja bodova i utvrđivanje reda prvenstva kandidata na rang listi su:

a) Nosilac subvencije troškova grijanja za centralno grijanje (za sezonu 2022/2023.), na osnovu Uredbe o subvencioniranju troškova grijanja ("Sl. novine Kantona Sarajevo", br. 4/2005, 7/2008, 37/2013, 51/2014, 8/2018, 9/2019 i 50/2020)	20 bodova
b) Samohrani roditelj	15 bodova
c) Osoba sa invaliditetom	15 bodova
d) Domaćinstvo sa djetetom sa posebnim potrebama	15 bodova



e) Nosilac domaćinstva – nezaposlena osoba	15 bodova
f) Nosilac domaćinstva – penzioner	15 bodova
g) Kandidati koji ispunjavaju opće uslove iz tačke 4. Ponovljenog Javnog poziva.....	5 bodova

U slučaju istog broja bodova prednost ima kandidat koji je ranije dostavio Prijavu po datumu i vremenu prijemnog štambilja u glavnom protokolu KJKP "Toplane-Sarajevo" d.o.o. Sarajevo.

6. DOKUMENTACIJA UZ PRIJAVU ZA PONOVI JAVNI POZIV

Kandidat je dužan, za stambeni prostor za koji prijavljuje učešće na Ponovnom Javnom pozivu, uz potpisan Obrazac prijave (koji će biti objavljen na WEB stranici Preduzeća), dostaviti dokaze o ispunjavanju uslova iz tačke 4. Ponovnog Javnog poziva i to:

- a) Kopiju ugovora o korištenju toplotne energije;
- b) Dokaz o vlasništvu (ZK izvadak izdat od strane Zemljišno-knjižnog ureda Općinskog suda u Sarajevu ne stariji od 6 mjeseci) ili dokaz o vanknjižnom vlasništvu, u originalu ili ovjerenoj kopiji;
- c) Potvrda da su izmirena sva dugovanja prema KJKP "Toplane-Sarajevo" d.o.o. Sarajevo i da stambeni prostor nije isključen sa toplifikacionog sistema, izdata od strane KJKP "Toplane-Sarajevo" d.o.o. Sarajevo, ne starija od trideset (30) dana, te
- d) Izjave kandidata, ovjerene kod nadležnog organa (općine ili notara), da
 1. pristaje na izvođenje neophodnih radova na ugradnji individualnog mjerila toplotne energije i naplatu prema očitanoj potrošnji nakon ugradnje, a u skladu sa odobrenim Tarifnim sistemom KJKP "Toplane-Sarajevo", te da će nakon ugradnje individualnog mjerila zaključiti novi ugovor o korištenju toplotne energije;
 2. će po ispostavljenom predračunu KJKP "Toplane-Sarajevo" d.o.o. Sarajevo izvršiti uplatu iznosa, umanjenog za 753 KM (iznos sufinansiranih sredstva), u roku od 15 dana od dana ispostavljanja predračuna.

Napomena: Potvrde iz tačke c) dijela 6. ovog oglasa, koje izdaju KJKP "Toplane-Sarajevo" d.o.o. se neće naplaćivati.

Dodatno, kandidat koji ispunjava neke od kriterija iz tačke 5. Ponovnog Javnog poziva, za tačke od a) do f), potrebno je da dostavi dokaze i to:

- a) Rješenje o subvencioniranju troškova grijanja (za sezonu 2022/2023.) u ovjerenoj kopiji;
- b) Kućna lista kao dokaz da je kandidat samohrani roditelj u originalu ili ovjerenoj kopiji, ne starija od trideset (30) dana;
- c) Rješenje o invalidnosti kao dokaz da je kandidat osoba sa invaliditetom u ovjerenoj kopiji, ne starije od trideset (30) dana;
- d) Ček od penzije kao dokaz da je kandidat penzioner u originalu ili ovjerenoj kopiji, ne stariji od trideset (30) dana;
- e) Potvrda od JU "Služba za zapošljavanje Kantona Sarajevo", kao dokaz da je kandidat nezaposlena osoba, u originalu ili ovjerenoj kopiji, ne stariji od trideset (30) dana;
- f) Rješenje o kategorizaciji djeteta sa posebnim potrebama kao člana domaćinstva i Kućna lista kao dokaz u ovjerenoj kopiji.

7. NAČIN PODNOŠENJA PRIJAVE

Prijave kandidata se dostavljaju putem pošte ili na protokol KJKP "Toplane-Sarajevo" d.o.o. Sarajevo, na adresu Semira Frašte 22, 71000 Sarajevo. Na kovertu posebno staviti oznaku:



"Prijava na Ponovni Javni poziv za sufinansiranje troškova ugradnje individualnih mjerila toplotne energije u objektima na sistemu daljinskog grijanja KJKP "Toplane-Sarajevo"- NE OTVARATI".

8. OSTALE INFORMACIJE

Ponovni Javni poziv ostaje otvoren trideset (30) dana od dana objavljivanja.



Ponovni Javni poziv će biti objavljen u dnevnom listu Dnevni avaz, te na web stranici KJKP "Toplane-Sarajevo" d.o.o. Sarajevo.

Prijave kandidata koje su neblagovremene, kao i prijave koje ne ispunjavaju uslove iz tačke 4. Ponovnog Javnog poziva, Komisija neće uzeti u daljnje razmatranje.

Nacrt rang liste se objavljuje na web stranici Kantona Sarajevo. Na Nacrt rang liste kandidat može Komisiji uložiti prigovor uz odgovarajuće dokaze, u roku od sedam (7) dana od dana objavljivanja.

Komisija razmatra prigovor, nakon čega informiše podnosioca prigovora o donesenoj odluci po prigovoru i utvrđuje Konačnu rang listu, koja se dostavlja Ministarstvu.

Konačna rang lista se objavljuje na web stranici Toplana Sarajevo.

Direktor 


KJKP "TOPLANE-SARAJEVO" DOO SARAJEVO, SEMIRA FRAŠTE 22, 71000 SARAJEVO

PREDMET: Prijava na Ponovni Javni poziv za učešće u projektu "Sufinansiranje troškova ugradnje individualnih mjerila toplotne energije u objektima na sistemu daljinskog grijanja KJKP "Toplane-Sarajevo"

Kao korisnik usluge u stanu na adresi _____, koji se vodi pod šifrom korisnika _____, prijavljujem učešće na Ponovnom Javnom pozivu.

Uz prijavu dostavljam sljedeću dokumentaciju:

1. Kopija ugovora o korištenju toplotne energije;
2. Dokaz o vlasništvu (ZK izvadak izdat od strane Zemljišno-knjižnog ureda Općinskog suda u Sarajevu ne stariji od 6 mjeseci) ili dokaz o vanknjižnom vlasništvu, u originalu ili ovjerenj kopiji;
3. Potvrda da su izmirena sva dugovanja prema KJKP "Toplane-Sarajevo" d.o.o. Sarajevo i da stambeni prostor nije isključen sa toplifikacionog sistema, izdata od strane KJKP "Toplane-Sarajevo" d.o.o. Sarajevo, ne starija od trideset (30) dana, te
4. Izjave, ovjerene kod nadležnog organa, da:
 - pristajem na izvođenje neophodnih radova na ugradnji individualnog mjerila toplotne energije i naplatu prema očitanoj potrošnji nakon ugradnje, a u skladu sa odobrenim Tarifnim sistemom KJKP "Toplane-Sarajevo", te da ći nakon ugradnje individualnog mjerila zaključiti novi ugovor o korištenju toplotne energije;
 - ću po ispostavljenom predračunu KJKP "Toplane-Sarajevo" d.o.o. Sarajevo izvršiti uplatu iznosa, umanjenog za 753 KM (iznos sufinansiranih sredstva), u roku od 15 dana od dana ispostavljanja predračuna.

Dodatno, uz prijavu dostavljam sljedeću dokumentaciju (ZAKRUŽITI):

- Rješenje o subvencioniranju troškova grijanja (za sezonu 2022/2023.) u ovjerenj kopiji;
- Kućna lista kao dokaz da je kandidat samohrani roditelj u originalu ili ovjerenj kopiji, ne starija od trideset (30) dana;
- Rješenje o invalidnosti kao dokaz da je kandidat osoba sa invaliditetom u ovjerenj kopiji, ne starije od trideset (30) dana;
- Ček od penzije kao dokaz da je kandidat penzioner u ovjerenj kopiji, ne starija od trideset (30) dana;
- Potvrda od JU "Služba za zapošljavanje Kantona Sarajevo", kao dokaz da je kandidat nezaposlena osoba, u originalu ili ovjerenj kopiji, ne stariji od trideset (30) dana;
- Rješenje o kategorizaciji djeteta sa posebnim potrebama kao člana domaćinstva i Kućna lista kao dokaz u ovjerenj kopiji.

Napomena: Shodno članu 5. Zakona o zaštiti ličnih podataka ("Službeni glasnik BiH", br.49/06, 76/11 i 89/11), kao nosilac gore navedenih i dostavljenih podataka saglasan sam da KJKP "Toplane-Sarajevo" d.o.o. Sarajevo vrši pribavljanje i obradu istih u svrhu realizacije gore navedene prijave na period od najduže 3 (tri) godine.

_____, _____ 2023. godine
(mjesto i datum)

Svojeručni potpis podnosioca prijave